

衽席而澤洋恩溥漸於遐荒發政施仁必先興告各屬孤貧歲有定額著爲令典未有無養濟院者而今獨無循例請項興建宜無不允而從前誤於因循歷任守令無意及此遂使疲癯殘疾露宿風殍溽暑凄寒無門託足乾隆辛未初夏閩中將樂廖君佑齡來令茲邑惻然傷之矢志捐建願以郡城無閒曠處其郭外僻遠者或戶日用薪米之取給維艱塵囂市中又恐雜還經費躊躇戎府雁門馥齋孫公以營中舊祠基東舉地畀焉於是鳩工庀材建正楹五間兩廂各四間余觀內院宏敞可息亦可作也有大門有側門啓閉嚴而出入便也覆以陶瓦縹以垣墉完固而周密也爰集鰥寡孤獨以奠厥攸居其間類聚羣甘長幼有序男女肅別也中虛爲堂佳辰令節以次畢拜儼然歌斯哭斯以禱以祝也且懼成之難而器之易詳撥常樂城官地租錢一十四千九百有奇津貼其衣糧樽節爲歲修用慮深遠也維時府志鏤版將竣請付諸梓以昭示來茲余俱報曰可是役也經始於乾隆十九年甲戌八月落成於是年十二月計費若干縉君子觀其細以知其大就一事而籌畫精詳規模井井從此益展所長其措施必有大過人者爲詠鴻雁之詩曰爰及矜人哀此鰥寡雖則劬勞其究安宅頌聲之作將自茲始矣余嘉孫公之能成人美而喜廖君之勇於爲善且目擊其創造之艱尤願後之官斯土者嗣而葺之庶永久勿替也是爲序乾隆廿年乙亥四月十三日

建修登龍橋記

張育(士旁)春

古之建都立邑必因其山川相其險要以備守禦以固疆圉凡事關民阻利病以成某纂之丕基者卽江河谿壑設橋梁以受納源流胥視諸此豈區區爲利涉計云爾哉矧慶二面距水水之大者曰慶江發源於大谷山鬱林諸水東北注之博白諸水北所之石城西境之水東注之至黃丙江而流始大由東北遷迤而西近郊三十里支分爲二附郭環繞而南入於海是慶郡提綱握要之區西鄙尤重故陸路由上洋盡厥欽州之西北越十萬大山外爲安南之境水道由西場盡達欽州之西南渡古森河外爲交趾舊界前代建置郡城時於水分江處設第一渡第二渡第三渡其西曰大橋江想當年此江蓋有橋也若橋在城西門者舊有之圖初以來仍其制蓋古昔早寓設險以守之義矣乃者登龍橋之建也在城西北江中易昔人支木代石之基更張而鞏固

之兩岸屹立勢若長虹礮石冲冲壘成懸壁列為堆者七會其流者五許慎說文云石杠石橋也俗作杠從木所以整其礎步之石此即徒杠也江流寬廣堆以約之設板橫枕者以尋計孫奭孟子疏云與梁橋上橫架之板其上開為通衢石直上者以丈計板若車輿者此亦即輿梁也創而為因制符乎古白浪滔滔分流掣爵（水旁）北踞上游統南下諸橋有高屋建瓴之勢中流砥柱轟立若門戶然貴州江第一形勝也落成日歡呼利濟者家以千計人以萬計出里閭入城市居商行賈冠蓋負戴于于往月而津梁成今於波濤騰沸中鞭石束木造此在津之橋梁消千百年衆生病涉之虞厥功偉歟是役也康茂園河帥守是邦有來者自旦達暮百十成羣晉大夫叔向有言曰十志未逮繼成其事者復圮於水越今二十餘年矣辛卯之歲余巡視南韶觀察任缺行時已成議今秋旋守雁州而橋適成鼉負鯨撐石齒斑斕山川鎖鑰卓然壯觀因思禮記孟冬之月謹闢梁鄭康成注云梁橋橫也孔穎達正義則曰闢梁禁禦姦非故曰謹是橋梁之設審端經術之義重焉故與垣城郭戒門閭修鍵閉審管裔固封疆備邊境完要塞諸大事同垂諸月令而筆之於有心吏治者安可忽諸己捧捐次（人旁）以因與諸好義之士樂其事之成也爰記文於麗牲之碑

重建西門舊橋記

嚼梅花齋文鈔

劉潤綱

郡志載西門橋一名金肅門橋即第一渡易渡而橋自明正德始知府沈給以渡不如橋便乃造橋以利民民為文愛民亭志德日久橋圯崇禎八年知府鄭抱素修復之國朝乾隆二年知府張召（王旁）美允士民請移於粵海關下橋遂廢旋以行人不便復其舊考乾隆十五年文蔚橋碑記稱昔人建橋於斯以鎖水束氣崇禎九年遷在西門河之第一渡即指鄭守所修復者而紀年徵後耳嘉慶二年知府常格用形容家言移於上游與仁里橋又廢仍以行人不便復其舊此舊橋所由名橋略分三段東西段列肆對宇板壁支木而居空中段護欄可瞭望上下流光緒初曾加繕治逮十三年八月居者失火店與橋並燼邑人捐築碼頭慈善家施渡以濟者垂二十三年此舊橋興廢之大概也顧蛇當衝衝往來如織舟狹人衆阻滯良多西濠又歲數四漲水

深流急篙槩無所施其力行者繞道登龍文蔚兩橋咸苦之今上御極例頒恩詔條文中著各省地方官修道路葺橋梁商會諸君子乘時議規復舊觀商總入白郡縣有司皆報可於是設冊廣募解囊者終繹巨金既集購橋材於番江得坤甸柱大小凡八坤甸板修短凡一十一邑匠蔣邑雖曰水蓄柱易朽非經久計去柱而架懸之難斯壽矣繪圖而進鈞心闕角僉服其巧抹翠如式向未聞橋懸而固者詎意發明新製既堅且好乃出匠石手橋成即架之合尖處覆以土瓦題曰惠愛橋而易橋名肇於此東西兩岸各建閘門分題曰東安街西安街而定街名基於此東安閘內略作亭形題曰愛民亭而存亭蹟繫於此夫此橋因風水之說廢者屢矣而利氏所仕旋廢旋興邇者民智漸開破除迷信然則此橋終復其舊又可斷言也工竣舉橋東曠地建橋歲入租息儲爲養橋費由商會管理之經始於宣統元年落成於宣統二年費制錢壹萬貫有奇從此長虹卧波交通無阻熙攘之衆利濟斯宏矣宣統三年辛亥二月

重修文蔚橋碑記

就園遺稿

王傳緝

程子曰一命之士苟存心於利物於人必有所濟大哉言乎聖賢濟世豪傑濟時善信紳商濟人所濟不同用心一耳吾邑文蔚橋原委備於孝廉黃公諱奇圖筆記咸同以後板凡三易皆捐簽締造用限於財故今倍形朽壞靈邑花翎同知陳君文敬席豐而好義迺謀於衆曰是不可久吾竭吾力吾盡吾心工期於固木維其息雖僧相什百無所吝惜眾建之稟郭府憲購坤甸板於重洋擇光緒辛丑二十七年十二月初八日酉時拆卸石之傾陷者築之剝蝕者易之椿之摧殘者去之疎散者增之二十八年春海輪航板至遂於三月初七日未時告成共費白金三千五百有奇皆陳君任也時則北海夜潮帆檣林立西江春漲車笠環循跨峯臨流不啻履道坦坦焉夫子產乘輿之惠人猶頌之况與梁哉此爲存心利物於人有濟一鄉之善士歟一國之善士歟用拜手而爲之記並重泐黃記於碑陰以補志乘之闕云

總江口義渡記

張育(士)春

康江發源於廣西容縣之大容山經鬱林博白台武利沙河諸水面達於州江至府治西北支分為四舊有一渡二渡三渡四渡之名自州江繞西而南下者今已更置橋梁其二渡三渡上洋渡仍循其舊皆設官渡以濟二渡三渡南下十餘里支流合爲總江口廉之大族羅氏世居其地風俗淳樸其人多敦詩說禮尚義知方郡縣學校每有興作踴躍急公者羅族爲尤多高垣唐廈列屋而羣處在水之西南隅春夏之交水漲漫江兩岸汪洋不可方泳而裹筏浮桴時有失溺羅君西菴惻然傷之思設渡以濟其子采章念前人有志未逮與族衆議設二渡於河濱議成以其事於呈府時余方議修州江因念古君子事無大小必期有賦於民生故與采徒扛垂爲令典舟楫以濟大川制器尚象實爲天下萬世之利今渡之設資取於一族而利及於衆人損一族人之財則甚公利千萬人之涉則甚普且上流官渡有二至此一渡可以逕達沙江西場諸地則又甚便謂之義渡其誰曰不然余嘉羅君西菴之用心喜采章能繼志以蕙其事亟獎諭而成之時道光十年正月也厥後恆至×××見來往于于行歌×××東岸已打槳西行西岸則一柳東駛梭織安渡不稍稽遲於是定篙師之口食計二渡之歲修×××經費泐諸石以垂久遠有一日之義舉利及一日之行人而羅君之功德亦偕日日俱永宜乎都人士及游覽之人歌詩以紀其事使天下資富能訓者皆於漢廣江永之際望洋興思多造舟以濟行者則海濱河濱皆無病涉之苦若羅君者是亦可以風矣

附文徵三

關於政績者

七賢太守祠記

元推吳禮

康郡城東有七賢祠列位奉祀曰孟曰謝曰蘇曰顏曰丁曰高曰季皆前代太守德施於民者也祀事相傳至於今弗替奈郡志毀於兵燹諸賢皆無所考唯珠還合浦著在史冊者孟太守嘗也餘闕名謚爵里七賢祠之設有自來矣官民每禱輒應歲久祠壞惟木主僅存甚非所以景仰前賢慰答民心之義也至正庚寅春通守龔侯來守是邦謁祠下念前賢遺澤愍然於懷弗忍先祠之廢也將捐貲鼎而新之第疑六賢不知名謚舊無給像歲時奉祀無以致如在之誠遠稽近訪而不能得為咨嗟太息者久之余始蒞事侯以是告余曰不然前代褒封立祠吾人之精誠與先哲相感召宜神明之佑人也如日月之經天風雨晦冥人莫之見而照臨下土無非日月也又何待規形容而後肅拜瞻哉昔蕭敏中為建陽令慕邑之前賢陳師道陳仲修游定夫數君子文學風節為立三賢堂祀之去任後邑人思敏中之賢足以配遂更其榜為四賢堂今侯追慕七賢重建祠宇他日廢之人士思侯之德安知七賢不可增為八如敏中故事以報侯於無窮也哉侯以為然嗣成余即以斯為記侯姓龔氏文殊奴其名也字仲葉京師人居官廉靜忠直無愧先賢云

張太守祠記

明教諭巫錄

嘉靖乙未春閩中惠安張公奉天子命出守廉州越四年戊戌冬陞浙江從學去之日羣戀無老幼弗忍別既去之閏月為明

己亥人心思公愈慙士思於學農思於野賈思於市旅思於途翕然同情也父老黃給等僉謀建祠塑像以祀工既竣命鐸記之鐸不敢以不文辭按廉郡災荒瀕海土瘠民貧甚以賦役繁苛採珠擾累民生彫瘵極矣公正民率屬節材愛民凡賦役正供里甲科辦務從寬減苛此積蠹剔除不遺餘力行部所至勸課農桑濬川潴水民得就業者數萬計郡縣學宮湫隘聚財鳩工改而新之規模宏整市地官租過重商賈不便乃具狀口請薄其稅故商賈來而財貨通驛遞自木港抵烏家道路曠野伏叢篁者屢肆掠劫乃相丹竹江爲四塞地創建營堡設兵戍守行旅得安涖海窮民冒險盜珠沒風波遭刑獄不可勝計公惻然爲設厲禁全活者多矣丁丑議征交兩公力陳耗國殘民得不償失其陰德尤無涯也至若優老恤貧疏冤釋滯鋤強扶弱公之深仁厚澤又豈可悉數也哉今廟庭肅然道貌儼然士民之奔走祠下者歲時以奉祠祀因爲之歌使歌以祀公其詞曰巍巍名公雄才偉器一代儒宗兩儀間氣煌煌虎節來宣來旬此罔違道清不爲名建學育才金無躡冶開地勸農粟滿原野業無留積民不含冤市無擾罰民樂受廬荏苒屏跡兮夜不張弦交夷納款兮風靜蠻煙公未來也民顛連公既來也民安全公之去也民嗚咽安得伏闕上請兮再爲朝廷借寇一年

重刻羅公祠碑

清知周碩勳

嗚呼羅公之死節距今二百八十餘年矣舊祠在故石康城內頽然矮屋破壁蕭條禮祀久廢余守廉之逾年壬申春將赴羊城路經石康父老曰復祀連名願請有垂涕者迨歸屐拜祠下有前明劉太守碑刻在焉歲久患水旁漫不可讀爲洗滌觀之按碑文公姓羅氏諱紳字尚訓江西宜春人由監生除鹽亭令以艱去天順二年補石康廉介持己公勤滋事培學校課農桑興利除害儼然救時良牧也石康僻在邊陲自正統以來流寇出沒民遭荼毒縣額徵糧三千五百六十石民散田荒阡無所出公請於上得邊餉免湯火之民慶更生矣縣西南三里許土名鼓塘陂資水以溉一方者也亂離後堰缺陂傾公爲修築民無憂旱四境賦擾民不能耕餓莩載道公繪圖上之大發倉廩全活無算先是天順六年壬午二月西寇肆掠公命其子鑑率民兵往禦斬

賊首二百餘級三月官兵駐博白之曹村大帥檄公會議軍機至中途聞賊鋒其銳公謂鑑曰寇深矣我應召而汝禦賊此男兒
報國時也鑑毅然返轡戰於例木嶺賊眾寡身被數創斃於馬下撫軍葉公感遺官祭馬當是時賊勢猖獗民益苦之公不
避危險曲意調撫各鄉耕牛刳盡公貸帑錢令民齋往鄰邑購買復被賊截刳公率鄉勇與賊鏖戰奪回原牛民乃得耕總甲盛
遠爲流矢所中公親爲敷藥眾皆感奮成化三年丁亥十月十九日潯州大藤峽賊數千蟻附城下直入縣庭時值收穫公惟率
吏卒二十餘人與賊對敵力孤難支遂爲所繫舉人伍星奎監生周泰陳紀亦同被擄公欲脫星奎等乃給賊曰盍釋此三人可
得多金來贖賊信之縱星奎等踉蹌奔歸與民人石剛謝聰括囊得白金三十兩付陳紀同民壯李元安齋赴賊所賊嫌少將索
重價公瞋目大罵曰我朝廷命官今日城陷有死而已何以贖爲公自被繫不食已五日矣至靈山馬踏村罵聲愈厲賊以好言
慰之奮罵不絕口賊怒殺公於馬踏村之坡伍星奎周泰陳紀石剛謝聰李元安輩率士民覓獲公屍相抱痛哭爲買棺以殮昇
歸縣庭家祭巷哭如喪考妣天爲之靈函者老高賓欲率閭室男婦投河以殉嗚呼此豈易得於民者乎以遭時多難不克請於
朝鄉民私謚曰忠烈余與公爲同里嘗諮訪遺事爲歎歔流涕爰順民情於石康城隍廟舊基建祠以祀前後各三楹東西兩廂
俱焚以甓門樓牆垣俱如制俾公父子世世血食於茲土也昔成化二十二年歲次丙午六月知廉州府事安仁劉烜撰余考羅
公祠自成化年修建後幾經興廢康熙四十九年庚寅雨台浦令違圻修復復圮石廢士民爲築土室三間偏僻卑隘牆垣門壁
不備無以安神靈合浦令廖君佑齡改建石康墟之南視舊制有加清止墟地租錢若干緡歲時以奉祠祀獨是舊廟中有兩公
子牌位余初疑之廖君曰故老相傳羅公尚有次子欽公被繫時偕伍星奎等贖公不得呼號願與父同死公被害賊並殺欽想
當年寇警倥偬致多遺佚否則何以其名其事猶津津在人齒頰間余曰君亦仁人之言也事關節孝竄信其有奚忍遽斷其無
爰與鑑東西列位以配礮石勒劉太守原文於祠右而系之銘 銘曰蟠龍毓秀篤生正人父子忠孝萃於一門舍生取義殺身
成名血灑巖疆淚墮蒸氏子死於孝臣死於忠人曰奇節我曰中庸非忠無君非孝無親千秋百世視此刻文耆乾隆十八年癸

酉十月吉日

重修游太守祠記



明知何玉成

前太守游公以萬歷六年戊寅卒於官廉人既尸而祝之矣閱四十四年今上御極改元歲次辛酉郡人爲重新其祠先是萬歷四十六年戊午其嗣君諱伯槐以憲節涖海北虜州人士聞嗣君來咸喟然曰是嘗生我育我教誨我所旦夕思之而不得一見者乃今見其胤子乎咸念舊思如在初去相與葺其祠宇重新其像而請記於余按碑公諱日章號東荆爲莆田望族幼而岐嶷苞孕經史嘉靖己未成進士由臨州令晉比部郎敷歷中外有循聲萬歷乙亥歲間任廉守廉僻處陬澁寇亂時聞人文黯昧野多鴻雁公勞心撫綏肅戍守嚴保甲地方以甯暇日集博士弟子日剖析疑義徹曉不倦念邊方人紀大壞刊家禮傳之民間一時士民稍知禮義歲大稔夏四月不雨公三日步禱大雨如注政尚和平與民休息題其柱曰天牧有心留寸土良民何事入公門仁人之言藹如當是時民以盜珠牽連監司多執法有立斃杖下者諸長吏噤不敢言公正色曰民命至重明公震怒之下保無冤濫乎知府始爲民請命今當與民爭命謹先以告監司爲改容謝永濟橋災工浩而財絀民多病涉公慨然捐俸成之至今屹然長虹行者爲途居者爲市他如周恤民隱未可殫述守廉四載偶感時疾而卒易簀後牀頭竹筒中惟俸錢五貫朝冠朝衣之外無他物士民皆慟哭失聲爲醴金以殮所著有四書釋義書經義三餘集行世云嗚呼公之學問經濟節操勒之碑者詳矣余何庸再贅聞之故老云公與觀歸里日嗣君甫九歲今四十年後又秉節鉞來鎮茲土光大前徽人咸謂善人之克昌厥後也今嗣君家學淵源箕裘其不改父之政以庇我廉人而訓誨其子弟者不過曰此特吾家法也廉人亦何修而得此昔天啓三年癸亥

廉山墮淚碑

明邑鄭應科

嘉靖四十一年壬戌冬十一月滄泉黃公由虞部郎來守廉州踰年癸亥冬十月丁卯卒於官士民哭之慟柩出城雖深山窮谷

莫不奔走哀號既歸僉謀所以勒諸石嗚呼公之感人一至此哉按公守廉甫閱歲施澤於民未久然廉人宛轉哀慕蓋傷其所施之未竟也先是郡庫漫藏忽一夜被賊踰城剽金一萬七千兩有奇有司議責軍卒丁餘及民戶丁糧攤派公曰無庸卒擒首盜追賊抵償乃別創庫藏築土爲窟置庫於中洞窈而深盤旋紆曲出入堪容一人乍入者莫得其徑以出皆匠心獨運公初至獄囚有拘繫十餘年者鞠之皆赤貧追贖莫償者公惻然請於上悉釋之其仁愛大率類此時強賊出沒一日警報至羣張皇驚怖公方堂上治官書詰之曰賊幾何對曰約千計公曰縱數千何懼爲乃叱去公先已密嚴守備蓋向日謀者皆虛張聲勢以搖惑衆心使民家走避以便搶劫至是靜以鎮之果內外晏然公真良帥才也爲人和平寬厚聽斷明決與人交無城府每風景喜登眺一觴一詠居然名士風流嘗語人曰人惟有所欲故擾苟無所欲治邊境亦行所無事耳嗟呼使公久在廉面竟其所施則廉人蒙福甯有涯涘而寬溢然長逝耶今思公不可得爲立碑以誌哀慕則凡過而弔者亦如襄陽之於羊叔子瞻見（山旁）山圖潛然墮淚矣故亦名曰墮淚碑公諱文豪號滄泉閩之龍溪人嘉靖丙辰進士其守廉也年纔三十有六壽算不永尤爲人所深惜

林公德政碑

明少
林文

蠻夷猾夏雖唐虞之世不能無困於禍患之來天必預生賢才以爲之拯捍非偶然也監司林公由景泰庚午鄉試貢士授台浦縣儒學訓導時蠻寇四出郡邑咸束手公累上守禦方略都御史崑山葉公奇之檄署靈山縣事公履任周覽形勢於縣南立排柵五百丈多設戰守之具寇屏息適中貴採珠合浦勞費百萃波及鄰封君爲措置有條民恃無累未幾滿秩入京民如失所怙仍散入山谷相聚而泣葉公以聞天順五年辛巳授靈山令民聞之相慶而歸是歲糧價昂貴而賊鋒益熾君單騎直抵其巢諭以禍福於是近縣二十五寨悉歸服請於上不待報大發倉廩賑之民賴以安其遠徭恃險出沒攻掠靡常明年壬午正月公率民兵以勦正月戰於羅河水口敗之閏月戰於黃姜嶺又敗之五月晦前二日戰於新庄又大敗之前後俘斬千餘級奪獲所擄

子女財帛而蠻犛悚息中無言乃去排柵築土城徙縣治於中禁淫祠修學校試生徒勸農桑務孝弟成化二年丙戌陞同知
廉州府志民苦饑僅佐太守發倉廩賑濟一如靈山全活無算陞郡守寇劫清和鄉官軍望之披靡公肩輿往羣盜稽首曰是
父母耶輒散去有負固者整兵勦之公之禦寇也勦撫兼施故賊人樂於投誠而聞者落膽其守廉也修城浚隍設串樓造戰守
器械暇日召父老問疾苦而吹噓摩撫如在其身又修學宮教子弟成化四年戊子秋敕拜廣東按察司僉事監司雷廉而其治
廉也益駕輕就熟相度地利設團河營以禦西寇設臺寨營以禦南寇設洪崖營以扼寇往來出沒之衝於是寇來則獲期月間
誅豪酋三百有奇是歲禾稼豐稔商賈四至民倚之爲泰山次年己丑出巡欽州因密邇交夷以修城浚濠爲先務儒學舊在城
外壞且盡以海北道署爲明倫堂買堂左民基作文廟別建海北道行署於城西南又治驛館舖舍咸次第整飭焉是秋至永安
所視城隍卑淺爲修浚高深設串樓器械一如郡城成化六年庚寅春復至靈山念土城非久遠之計改建專一土旁城命官弁
董其事未匝而城成周五百丈高一丈九尺復修串樓開東西二門靈山遂爲重鎮蠻寇懾君威不敢窺伺所到之處咸有
興作然未嘗斂民一錢用物皆歸其直又重建靈山縣署下至道路橋梁以石砌者四十三而於軍民利害酌其可否經久可行
者言於朝而後三十餘疏朝廷知出於公正皆爲嘉納如請移總制府於梧州俾兩粵東西數千里控制得宜尤爲卓識計公自
辭今以至監司凡三十餘年其爲民請蠲賑解倒懸者事凡幾爲民躬擐甲胄血戰以捍邊圉者事凡幾其率博士弟子興文砥
行成與維新者事凡幾其耆舊三老霽顏下問以達鄙隱滌煩冤者事凡幾理萬變而衡於一心事萬緒而綜於一手皆數世數
十世之利謹序其實在政績勅諸貞珉表道揆也昭法守也斯秉彝之攸好將與天下後世共之豈有私於林公哉公諱錦字彥
章八閩連江人

王太守遺愛碑

四邑人
知州 鍾 振

孔子曰君子之德風小人之德草蓋久道化成者聖王之澤而有感輒應者草野之情豈所論於居官之久暫哉大守王公在郡